



# Nogade

CAMPO A TRAVÉS

XOGOS GALEGOS DEPORTIVOS EN IDADE ESCOLAR

## 1. INSCRICIÓN

A inscrición no programa XOGADE formalizarase a través da aplicación informática [www.deporteescolargalego.com](http://www.deporteescolargalego.com), que se atopa na páxina web: [xogade.xunta.gal](http://xogade.xunta.gal). Pódese acceder tamén a través da web da Secretaría Xeral para o Deporte.

A data de peche da inscrición dos equipos será o 15 de novembro de 2016.

## 2. PARTICIPANTES

No campo a través poderán participar todos os clubs, centros de ensino, asociacións, ANPAS etc. que cumpran os requisitos da inscrición.

## 3. CATEGORÍA

**Benxamín:** Nados nos anos 2009-2008 masculino e feminino.

**Alevín:** Nados nos anos 2007-2006 masculino e feminino.

**Infantil:** Nados nos anos 2005-2004 masculino e feminino.

**Cadete:** Nados nos anos 2003-2002 masculino e femenino.

A participación da categoría benxamín finaliza no Campionato Provincial. Os alevíns, infantís e cadetes participarán ademais no Campionato Galego organizado pola Secretaría Xeral para o Deporte.

## 4. OBXECTIVOS XERAIS

Fomentar unha práctica deportiva, educativa e saudable.

Difundir os valores da competición dende unha perspectiva máis regrada.

Facilitar a práctica nunha modalidade de gran tradición histórica en Galicia.

## 5. ESCENARIO DAS PRÁCTICAS E HORARIO

Esta modalidade desenvolverase preferentemente en circuitos de campo a través (herba ou terra batida), en horario lectivo ou extraescolar.

## 6. SISTEMA DE COMPETICIÓN

Cada centro, club ou entidade deportiva poderá participar na primeira fase co número de equipos que desexe en cada categoría, sempre que a súa nomenclatura os diferencie. Para as seguintes fases, as entidades clasificadas poderán formar os equipos seleccionando aos seus atletas. Celebráranse fases comarcais, unha fase intercomarcal (sempre que o servizo provincial así o determine segundo o número de inscritos nesta modalidade), unha fase provincial e unha fase autonómica.

Cada entidade deberá participar na súa zona correspondente, agás en casos excepcionais nos que a participación sexa tan escasa que, a petición das propias entidades, a Secretaría Xeral para o Deporte reorganice as zonas, previa proposta do servizo provincial correspondente.

## 7. INSCRICIÓN

Será requisito imprescindible para participar en calquera proba do programa Xogade a mutualización do deportista, a través da súa inscrición no equipo correspondente da súa entidade, na web [xogade.xunta.gal](http://xogade.xunta.gal).

A inscrición dos deportistas realizarase, na medida do posible, na pasarela "online" habilitada para tal efecto na páxina web <https://isis.rfea.es/sirfea2/> para o cal as entidades participantes deberán solicitar de xeito previo a [cofcluis@hotmail.com](mailto:cofcluis@hotmail.com) as claves de acceso "online". Nas competicións organizadas polos Servizos Provinciais ou agrupacións deportivas serán estes os que decidan o sistema de inscrición a utilizar. En caso de atopar algunha dificultade para facelo, sempre se poderá realizar a través da folia de inscrición oficial que se facilita coa normativa correspondente a cada proba. Aínda así, e por cuestións prácticas, prégase o emprego da citada plataforma, xa que facilita o manexo da información.

A data límite de inscrición dos atletas participantes en cada competición será o martes anterior a cada proba, agás nas fases provinciais e autonómica, nas que as inscricións dos equipos participantes deberán estar a disposición da organización antes das 20.00 h do xoves da semana anterior á celebración da proba.

## 8. DISTANCIAS APROXIMADAS

### A PERCORRER

\*No caso de agrupar a fase local e zonal, recoméndase facer a distancia inferior ata o mes de decembro e a partir de xaneiro a superior.

CATEGORÍAS	LOCAL	ZONAL	PROVINCIAL	GALEGO
BENXAMÍN	500 m	600 m	700 m	-
ALEVÍN feminino	800 m	1000 m	1200 m	1500 m
ALEVÍN masculino	1000 m	1200 m	1600 m	2000 m
INFANTIL feminino	1000 m	1200 m	1600 m	2000 m
INFANTIL masculino	1200 m	1600 m	2000 m	2500 m
CADETE feminino	1200 m	1600 m	2000 m	2500 m
CADETE masculino	2500 m	3500 m	4000 m	4500 m

## 9. COMPOSICIÓN DOS EQUIPOS

Cada equipo estará formado por seis corredores/as. Puntuarán os/as catro (benxamín, alevín e infantil) ou tres (na categoría cadete) mellor clasificados/as. Non se poderá completar un equipo con atletas de categorías inferiores.

Na fase provincial non se poderán realizar cambios na composición dos equipos no mesmo día da competición.

## 10. CLASIFICACIÓNS

Estableceranse dúas clasificacións:

Individual. Segundo a orde de entrada na meta.

Por equipos. A puntuación dos equipos resultará da suma dos puntos obtidos polos 4 (benxamín, alevín, infantil) ou 3 (cadete) atletas mellor clasificados de cada equipo, e gañará o equipo que menos puntos sume. No caso de producirse un empate entre 2 ou máis equipos, resolverase a favor do equipo no que obtívase a mellor clasificación o último dos seus corredores que puntúe. Aqueles equipos que non cheguen á meta cos 4 ou, se é o caso, 3 atletas dos que puntúan, non puntuarán como equipo. Farase unha clasificación só cos atletas (6 máximo) dos equipos que entren na meta co mínimo esixido para clasificar.

Cada comité provincial organizará nas distintas comarcas ou zonas as probas previas necesarias en cada caso para obter os clasificados que competirán no campionato provincial.

Agás na fase comarcal, os equipos estarán formados por 6 atletas, como máximo, dos que puntuarán os 4 primeiros na categoría benxamín, alevín e infantil, e 3 na categoría cadete.

Os membros de cada equipo en cada unha das fases para as que se clasifiquen non terán que ser necesariamente os mesmos.

Para o Campionato Provincial clasificaranse os 2 mellores equipos de cada fase zonal, así coma os 8 primeiros atletas clasificados de xeito individual que non estean incluídos nos equipos clasificados. En ningún caso se cubrirá o posto de invitado cos atletas que chegasen a partir do 8º clasificado.

Para o Campionato Galego (alevín, infantil e cadete) clasificaranse os 2 mellores equipos de cada fase provincial, así coma os 8 primeiros atletas clasificados individualmente que non estivesen incluídos nos equipos clasificados. En ningún caso ocupará o posto de invitado un atleta que chegase a partir do 8º clasificado.

En casos excepcionais, ou por interese da selección galega, a Secretaría Xeral para o Deporte poderá autorizar a participación de atletas a título individual que non participasen no campionato provincial, ou nunha fase comarcal, previa proposta razoada da FGA debidamente documentada.

## 11. SELECCIÓN GALEGA

A categoría cadete participará no Campionato de España de Campo a Través, formando parte da selección galega os 3 primeiros clasificados do Campionato Galego Escolar e os 3 primeiros clasificados do Campionato de Galicia Cadete (Federado). Só no caso de resultar imposible a realización do Campionato Galego Escolar antes do Campionato de España, clasificaranse para este os 4 primeiros clasificados do Campionato Galego Federado e outros 2 a proposta do comité técnico.

## 12. DATAS

A competición de campo a través comezará a partir de novembro nas catro provincias. Agás en casos excepcionais, os campionatos provinciais realizaranse na mesma fin de semana nas catro provincias.

## 13. OUTRAS NORMAS

Todos os aspectos non recollidos nestas normas serán regulados pola normativa oficial da Federación Galega de Atletismo, que pode consultarse na páxina web da federación: [www.atletismogalego.org](http://www.atletismogalego.org) e na do Programa Xogade: [xogade.xunta.gal](http://xogade.xunta.gal).